

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

**Звер-пöтка объектясöн, федеральной тöдчанлуна
торйöн ёна видзан вöр-ва мутасьясын олысь объектяс,
а сідзжö Россия Федерацияса гöрд небöгын пасйöм
звер-пöтка объектяс кындзи, вöдитчöм вылö разрешенияс
сетöм серти канму услуга сетан административной уджаланарт
вынсьöдöм йылысь**

«Звер-пöтка йылысь» Федеральной оланпас серти, «Канму да муниципальной услугаяс сетöмсö котыртöм йылысь» Федеральной оланпас серти, «Канму услугаяс сетан административной уджаланартяс дасьтан да вынсьöдан правилöяс вынсьöдöм йылысь, Россия Федерацияса Веськöдлан котырлөн öткымын актö вежсьöмьяс пыртöм йылысь да Россия Федерацияса Веськöдлан котырлысь öткымын акт да актяслысь торья положенияс вынтöмөн лыддьöм йылысь» Россия Федерацияса Веськöдлан котырлөн 2021 во сора тöлысь 20 лунся 1228 №-а шуöм серти шуа:

1. Вынсьöдны Звер-пöтка объектясöн, федеральной тöдчанлуна торйöн ёна видзан вöр-ва мутасьясын олысь объектяс, а сідзжö Россия Федерацияса гöрд небöгын пасйöм звер-пöтка объектяс кындзи, вöдитчöм вылö разрешенияс сетöм серти канму услуга сетан административной уджаланартсö 1 №-а содтöд серти.

2. Лыддьыны вынтöмөн Коми Республикаса Юралысьлысь öткымын индöд 2 №-а содтöдын индöм лыддьöг серти.

3. Тайö Индöдыс вынсялö сійöс официальной йöзöдан лунсянь дас лун кольöм бöрын.

Коми Республикаса Юралысь

В. Уйба

Сыктивкар

2023 вося вöльгым тöлысь 2 лун

116 №

Звер-пöтка объектьясөн, федеральной тöдчанлуна торйöн ёна видзан
вөр-ва мутасьясын олысь объектьяс, а сідзжö Россия Федерацияса
гöрд небöгын пасйöм звер-пöтка объектьяс кындзи,
вöдитчöм вылö разрешенияс сетöм серти канму услуга сетан
АДМИНИСТРАТИВНÖЙ УДЖАЛАНАРТ

I. Панас

Административнöй уджаланартöн ладмöдантор

1.1. Тайö Административнöй уджаланартыс ладмöдö йитöдъяссö, кутшöмъяс артмöны Коми Республикаса вөр-ва озырлун да гöгöртас видзан министерствоён (водзö – Министерство) звер-пöтка объектьясөн, федеральной тöдчанлуна торйöн ёна видзан вөр-ва мутасьясын олысь объектьяс, а сідзжö Россия Федерацияса гöрд небöгö пасйöм звер-пöтка объектьяс кындзи, вöдитчöм вылö разрешенияс сетöм серти канму услуга сетöмкöд йитöдын (водзö – Административнöй уджаланарт, канму услуга).

Тайö Административнöй уджаланартыс урчитö канму услуга сетан пöрадоксö да канму услуга сетан стандартсö, Министерством канму услуга сетöм серти административнöй процедураяслысь тэчассö, сьöрсьөн-бöрсьөн мунöмсö да сійöс олöмö пöртан кадколастьяссö, найöс олöмö пöртан пöрадок дорö корöмъяссö, сы лыдын административнöй процедураяс электроннöя олöмö пöртан аслыспöлöслунъяссö, а сідзжö канму услуга сетöм бöрся видзöдан ногъяссö.

Шыöдчысьяс

1.2. Канму услуга сетöм вылö шыöдчысьясөн лоöны: юридическöй кывкутысьяс, асшöр уджалысьяс да гражданина.

Административнöй уджаланартлөн выныс паськалö сідзжö суйöрсайса гражданина, гражданствотöм йöз вылö, мукöдторсö кö абу урчитöма оланпастэчасөн.

1.3 Канму услуга босьтöм могысь шыöдчысьяс нимсянь вермöны уджавны йöз, кодъяслөн Россия Федерацияса оланпастэчас серти эм татшöм инöдыс, либö кор шыöдчысьяс налы сетöмаöсь лöсялана уджмогъяссö Россия Федерацияса оланпастэчасөн урчитöм пöрадокын.

**Шыöдчысьлы канму услуга сетны корöм канму услуга сетан
вариант серти, мый лöсялö шыöдчысьлөн признакъяслы,
кутшöмъясöс урчитöма органён, кодi сетö услугасö, нуöдан
анкетируйтöм, а сідзжö бöртас бöрын, кутшöмöс сетöмла шыöдчöма
шыöдчысь**

1.4 Шыёдчысьлы канму услугасё сетёны канму услуга сетан вариант серти.

1.5. Канму услуга сетан вариантсё индёны шыёдчысьлысь Административнӧй уджаланарт дорӧ 1 №-а содтӧд серти урчитӧм признакъяссӧ, а сідзжӧ канму услуга сетан бӧртассӧ тӧд вылӧ босьтӧмӧн, кутшӧмӧс сетӧмла шыӧдчӧма шыӧдчысь.

1.6. Шыӧдчысьлысь признакъяссӧ индёны профилируетӧмӧн, мый збыльмӧдсьӧ тайӧ Административнӧй уджаланарт серти.

II. Канму услуга сетан стандарт

Канму услугалӧн ним

2.1. Канму услугалӧн ним: звер-пӧтка объектъясӧн, федеральнӧй тӧдчанлуна торйӧн ёна видзан вӧр-ва мутасъясын олысь объектъяс, а сідзжӧ Россия Федерацияса гӧрд небӧгын пасйӧм звер-пӧтка объектъяс кындзи, вӧдитчӧм вылӧ разрешениеяс сетӧм (водзӧ – Разрешение).

Коми Республикаса олӧмӧ пӧртысь власьт органлӧн ним, кодӧ сетӧ канму услугасӧ

2.2. Министерство сетӧ канму услугасӧ.

Канму услуга сетан бӧртас

2.3. Канму услуга сетан бӧртасӧн лоӧны:

- 1) Разрешение сетӧм;
- 2) Разрешение сетӧмын ӧткажитӧм.

2.4. Документӧ, кытчӧ пыртӧма канму услуга сетӧм йылысь помшуӧмсӧ, мый подув вылын шыӧдчысьлы сетёны бӧртассӧ, колӧ пыртны татшӧм реквизитъяс:

1) сэк, кор сетӧма Разрешениесӧ – индӧма Административнӧй уджаланарт дорӧ 4 №-а содтӧдын;

2) сэк, кор ӧткажитӧма канму услуга сетӧмын – индӧма Административнӧй уджаланарт дорӧ 3 №-а содтӧдын.

2.5. Канму услугалысь бӧртас босьтӧмсӧ пасйӧны «Канму да муниципальнӧй услугаяслӧн (уджъяслӧн) ӧтувья портал» федеральнӧй канму юӧртан система ӧтсӧгӧн – gosuslugi.ru (водзӧ – Россия Федерацияса ӧтувья портал).

2.6. Канму услуга сетан бӧртас босьтанногӧн лоӧ сійӧс босьтӧм:

- 1) веськыда Министерствын;
- 2) пошта связь организация либӧ корреспонденция вайысь мукӧд организация пыр (водзӧ – пошта связь организация, пошта пыр);
- 3) Россия Федерацияса ӧтувья порталӧн вӧдитчӧмӧн.

Канму услуга сетан кадколаст

2.6.1. Канму услуга сетан өтүвья кадколастыс лоё Министерствоын заявление да сы дорё содтём документьяс (водзё – заявка материальяс) пасьян лунсянь 10 уджалан лун.

2.6.2. Сэк, кор шыёдчысьён босьтём документын, кутшөм лоё канму услуга сетан бөртасөн, аддзёма торкаломьяс, шыбөльяс, канму услуга сетём бөрын сетём документьясын вөчөм торкаломьяс да шыбөльяс веськөдөм йылысь заявление видлалан кадколастыс лоё индөм заявлениелөн Министерствоо воан лунсянь 10 уджалан лун.

Канму услуга сетан инёда помкаяс

2.7. Канму услуга сетөмсö ладмөдысь нормативнöй инёда актьяслысь лыддьөгсö да Министерстволысь, а сідзжö Министерствоса чина йöзлысь помшуөмьяс да вөчөмторьяс (вөчтөмтор) ёрдөдз (ёрдтөг) обжалуйтан пöрадок йылысь юöрсö йöзөдöны Министерстволөн официальной сайтын (www.mpr.rkomi.ru), Россия Федерацияса өтүвья порталын.

Канму услуга сетём вылө колана документьяслөн тырвийö лыддьөг

2.8. Канму услуга сетём вылө оланпастэчас либö мукөд нормативнöй инёда акт серти колана документьяслөн тырвийö лыддьөг, кутшөмьясöс шыёдчысьлы колö сетны аслыс.

Канму услуга босьтём вылө шыёдчысь ачыс сетö Министерствоо татшөм документьяс:

1) заявление (вöзьяна формасö вайөдöма Административнöй уджаланарт дорö 2 №-а содтöдын);

2) Россия Федерацияса гражданинöс (асшөр уджалысьöс), сы лыдын военнотужащöйясöс, эскöдысь документьяс, а сідзжö суйöрсайса гражданинöс, гражданствотём мортöс эскöдысь документьяс, сы лыдын олөм вылө кабаля (сöмын гражданаля да асшөр уджалысьяслы).

Заявлениесö гижöны электроннöя артасян техника средствояс отсöгөн либö гөгөрвоана ки помысь сьöd либö лöz рöма чернилоөн.

Шыёдчысь кырымалö заявлениесö.

Заявлениесö позьö ыстыны электроннöй документөн. Та дырйи шыёдчöмсö кырымалöны прöстöй электроннöй кырымпасөн «Электроннöй кырымпас йылысь» Федеральной оланпаслөн корөмьяс да «Канму да муниципальной услугаяс сетөмсö котыртём йылысь» Федеральной оланпаслөн корөмьяс серти.

Юридическöй кывкутысьён сетём заявлениеыс кырымавсьö сылөн юрнуöдысьён да эскöдсьö юридическöй кывкутысьлөн печатьөн (эм кө).

Шыёдчысь кывкутö заявлениеын индөм тöдмөгьяслөн стöчлун вöсна.

Шыёдчысь бөрийö примитём помшуөм йылысь сылы юөртанногсö, а сідзжö канму услуга сетан бөртас сетанногсö канму услуга сетём йылысь заявление сетигөн да индö тайöс веськыда заявлениеын.

Сэк, кор шыёдчысь нимсянь уджалö морт, кодi Россия Федерацияса оланпастэчас серти лоö сйöс петкöдлысьöн, сiдзжö сетö петкöдлысьöс эскöдысь документ да лöсялана уджмогъяссö эскöдысь документ.

2.9. Канму услуга сетöм вылö оланпастэчас либö мукöд нормативнöй инöда акт серти колана документъяслöн тырвыйö лыддьöг, кутшöмъясöс шыёдчысь вермö сетны аслас кöсйöм серти.

Шыёдчысь аслас кöсйöм серти вермö сетны Министерствоö документ, мый эскöдö Разрешение сетöмысь канму пошлина мынтöмсö.

Шыёдчысьöн документ, кутшöмöс индöма тайö пунктлöн мöд абзацын, сетöмыс оз ло шыёдчысьлы канму услуга сетöмын öткажитан подулöн.

Документсö, кутшöм эскöдö Разрешение сетöмысь канму пошлина мынтöмсö, шыёдчысь вермас сетны аслас кöсйöм серти сэтшöм ногъясöн, кутшöмъясöс урчитöма Административнöй уджаланартлöн 2.10 пунктöн.

2.10. Шыёдчысь веськыда сетö Министерствоö канму услуга сетöм йылысь заявлениесö пошта связь организация пыр да Россия Федерацияса öтувья порталöн вöдитчöмöн.

2.11. Сэк, кор заявка материалъяссö, кутшöмъясöс индöма Административнöй уджаланартлöн 2.8, 2.9 пунктъясын (сэк, кор шыёдчысь сетö Административнöй уджаланартлöн 2.9 пунктын индöм документъяссö аслас кöсйöм серти), сетö веськыда, шыёдчысьлы колö сетны воöм да ыстöм корреспонденция пасйöм вöсна кывкутысь специалистлы (водзö – кывкутысь чина морт) документъяслысь подлинникъяссö.

Кывкутысь чина морт вöчö шыёдчысьöн сетöм документъяслöн подлинникъяс вылысь копияяс, бöр сетö шыёдчысьлы документъяслысь подлинникъяссö да пуктö документъяслысь копияяссö заявление дорö.

2.12. Сэк, кор заявление дорö содтöм документъяссö, кутшöмъясöс индöма Административнöй уджаланартлöн 2.8, 2.9 пунктъясын (сэк, кор шыёдчысь сетö Административнöй уджаланартлöн 2.9 пунктын индöм документъяссö аслас кöсйöм серти), сетöма пошта пыр, шыёдчысь индöм документъяссö сетö копиясын, кутшöмъясöс эскöдöма Россия Федерацияса оланпастэчасöн урчитöм пöрадокын.

2.13. Сэк, кор заявление дорö содтöм документъяссö, кутшöмъясöс индöма Административнöй уджаланартлöн 2.8, 2.9 пунктъясын (сэк, кор шыёдчысь сетö Административнöй уджаланартлöн 2.9 пунктын индöм документъяссö аслас кöсйöм серти), сетöма Россия Федерацияса öтувья портал пыр, найöс колö эскöдны прöстöй электроннöй кырымпасöн «Электроннöй кырымпас йылысь» Федеральнöй оланпаслöн корöмъяс серти.

**Канму услуга сетöм вылö колана документъяс
примитöмын öткажитан помкаяслöн тырвыйö лыддьöг**

2.14. Канму услуга сетöм вылö колана документъяс примитöмын öткажитан подулöн лоö Россия Федерацияса öтувья портал пыр воöм заявка материалъяслöн Административнöй уджаланартлöн 2.13 пунктса корöмъяслы лöсявтöмлун.

Канму услуга сетом выло колана документъяс примитомын
откажитан мукод помкасö абү урчитома.

**Канму услуга сетомсö дугöдлан либö сйöс сетомын
откажитан помкаяслөн тырвыйö лыддьöг**

2.15. Канму услуга сетомсö дугöдлан подувьяссö Россия
Федерацияса оланпастэчасөн да Коми Республикаса оланпастэчасөн абү
урчитома.

2.16. Канму услуга сетомын откажитан подувьясыс сыын, мый:

1) сетома документъяс, кутшöмъяс тэчас да сюрös серти оз лöсявны
Административнöй уджаланартлөн 2.8 пунктөн урчитом корöмъяслы;

2) канму услуга босьтомысь абү мынтома канму пошлинасö;

3) документъяссö, кутшöмъясöс урчитома Административнöй
уджаланартлөн 2.8 пунктөн, сетома Административнöй уджаланартлөн 2.10
пунктөн урчиттом ногөн;

4) сетом заявка материалъясыс оз лöсявны Административнöй
уджаланартлөн 2.12, 2.13, 2.30 пунктъяслөн корöмъяслы.

Мукод подув серти канму услуга сетомын откажитны оз позь.

Шыödчысь помкаяссö, кутшöмъяс вöсна откажитома канму услуга
сетомын, кутшöмъясöс урчитома тайö Административнöй уджаланартлөн
2.16 пунктөн, бырöдöм бöрын вермö выль пöв шыödчыны канму услуга
сетомла.

**Мынтан мында, мыйта колö мынтыны шыödчысьлы
канму услуга сетигөн, да сйöс мынтанногъяс**

2.17. Канму услуга сетомысь мынтоны канму пошлина Россия
Федерацияса вот кодексын 333.33 статьялөн 1 пунктса 96 пунктулөн
урчитом мындаын вот да öктас йылысь Россия Федерацияса
оланпастэчасөн урчитом пöрадокын.

2.18. Административнöй уджаланартлөн 2.17 пунктын индöм канму
пошлина вуджöдöм выло банка реквизитъяссö вайöдöма
Административнöй уджаланарт дорö 5 №-а содтöдын.

2.19. Канму пошлина вуджöдöм серти мынтысян реквизитъяссö
йöзöдöны юör сетан стендъяс вылын, «Öтуввез» везйын Министерстволөн
официальнöй сайтын, Россия Федерацияса öтувья порталын.

2.20. Шыödчысьлысь мынтöм перйöмсö сэк, кор канму услуга сетан
бöртасъяс серти сетом документö пыртöмаöсь вежсьöмъяс, кутшöмъясöс
ыстöма шыбöльяс веськöдöм выло, кутшöмъяс лоисны Министерстволөн
да (либö) сылөн чина мортлөн мыж вöсна, абү урчитома.

**Шыödчысьён канму услуга сетом йылысь заявление сетигөн
да канму услуга сетан бöртас босьтигөн öчередьын
медся дыр виччысяна кадколаст**

2.21 Канму услуга сетом йылысь заявление сетигөн да канму услуга
сетан бöртас босьтигөн öчередьын медся дыр виччысян кадколастыс оз

вермы лоны 15 минутысь дырджык.

Канму услуга сетом йылысь заявление пасьян кадколаст

2.22. Заявка материалъяс пасьян кадколастыс лоо Министерствоо налөн воан лунсянь 1 уджалан лун.

Жыръяс дорё коромъяс, көні сетёны канму услугаыс

2.23. Колё, медым жыръясыс, көні сетёны канму услугаыс, лёсялісны шыёдчысыс да чина йёзёс, специалистъяс бур условиясён могмодан, сы лыдын вермытомъясён да дзоньвидзалунын дзескөдөм позянлуна йёзён налөн заявлияс серти канму услуга босьтом выло инодъяс збыльмодны позянлун сетомсё могмодан, коромъяслы, кутшомъясёс урчитома Россия Федерацияса оланпастэчасён.

Колё, медым жыръясыс, көні сетёны канму услугаыс, лёсялісны татшом коромъяслы:

документъяс сетом либё босьтом выло өчередын виччысянінө, а сідзжө документъяс гижанінө колё пуктыны улөсыс, пызанъяс (стойкаяс) да могмөдөны документъяс гижан образецъясён, канцелярскөй көлуйөн;

колё могмөдны пөжарыс видчысян системаён да пөжар кусодан средствоясён, виччысьтомтор лоом йылысь юөртан системаён; медводдза медицина отсөг сетан средствоясён; волысыслы асмогасянінъясён.

Колё, медым шыёдчысыс примитан жыръясёс вөлі могмөдөма табличкаясён, көні индөма кабинет номерсё, Министерствоян канму услуга сетыс чина мортлыс овсё, нимсё, вичсё (эм кө).

Канму услуга сетанінъясын колё лөсьөдны өтув вөдитчанінъяс (асмогасянінъяс) да волысыслыс (шыёдчысыс петкөдлысыслыс) вылыс паскөм видзанінъяс, кутшомъясё позьё веськавны.

Шыёдчысён юөртан материалъясён төдмасьом выло лөсьөдөм жыръясёс могмөдөны юөртан стендъясён.

Дзоньвидзалунын дзескөдөм позянлуна йёзёс могмөдөны:

объектө (зданиеө, жырйө), көні сетёны канму услугаыс, мытшөдтөг пырны позянлунөн да транспортөн, связь да юөр сетан средствоясён мытшөдтөг вөдитчөмөн;

мутас кузя, көні меститчөны зданиеясыс, көні сетёны канму услугаыс, ас кежыс ветлөдлыны, а сідзжө сэтчө пырны да петны, транспорт средствоө пуксыны да сэтыс чеччыны позянлунөн, сы лыдын кресло-көляскаөн вөдитчөмөн;

вермытомъясёс колльөдөмөн, кодъяс омөля аддзёны да асьныс оз вермыны ветлөдлыны, да сетны налы отсөг зданиеын, көні сетёны канму услугаыс;

вермытомъяслы колана шыа да видзөдан юөрсё, а сідзжө Брайльлөн рельефно-точечнөй шрифтон вөчөм гижөдъяс, пасъяс да текста да графическөй мукөд юөр дублируйтөмөн;

сурдопереводчикөс да тифлосурдопереводчикөс лэдзөмөн;

зданиеясö, кöнi сетöны канму услугасö, ветлöдлыны отсасысь понйöс лэдзöмөн, сэк, кор эм документ, кутшöм эскöдö сийöс торйөн велöдöмсö да кутшöмöс сетöны «Ветлöдлыны отсасысь понйöс торйөн велöдöмсö эскöдысь документлысь формасö да сийöс сетан пöрадоксö вынсьöдöм йылысь» Россия Федерацияса удж да йöзöс социальнöя дорьян министерстволөн 2015 во лöддза-номья тöлысь 22 лунся 386н №-а тшöктöдөн урчитöм форма да пöрадокын;

вермытöмьяслы мытшöдьяс вуджöмын отсöг сетöмөн, кутшöмьяс кутöны мукöд йöзкöд öтмоза наөн услугаяс босьтöмсö;

Министерствоын меститчясь юöртан стендьяс да корреспонденция примитан ящикьяс дорö мытшöдтöг пырны позянлунсö вермытöмьясöс социальнöя дорйöм йылысь Россия Федерацияса оланпастэчас серти могмöдöмөн.

Канму услуга босьтны позянлун да налөн ногтуй серти петкöдласьяс

2.24. Канму услуга босьтны позянлунлөн петкöдласьясөн лоöны:

канму услуга, сы лыдын электроннöй формаын, сетан пöрадок йылысь юöрлөн тырвыйöлун, коланлун да збыльлун; канму услуга сетан пöрадок йылысь йöзöдан юöрсö петкöдлöм;

канму услуга сетан кадколастьясö да канму услуга сетигөн административнöй процедураяс вöчан кадколастьясö кутчысьöм;

канму услуга сетигөн шыöдчысьлөн чина йöзкöд йитчöмьяслөн лыд да на вылö видзöм кад;

канму услуга сетанног йылысь юөр, сы лыдын юöртан да коммуникация технологиясөн вöдитчöмөн, босьтны позянлунсö сетöм.

2.25. Канму услуга сетан ногтуйыс петкöдлысьсö:

шыöдчысьяскöд воча йитöд кутöмөн;

шыöдчысьяс дорö канму услуга сетигөн Министерствоса чина йöзлөн вöчöмторьяс (вöчтöмторьяс) вылö норасьöмьяслөн абутöмлунөн;

Министерствоса чина йöзлөн, кодьяс сетöны канму услугасö, вöчöмторьяс (вöчтöмторьяс) вылö, Министерствоса чина йöзлөн, кодьяс сетöны канму услугасö, шыöдчысьяс дорö абу колана ногөн, пыдди пуктытöг шыöдчöм серти подулалöм норасьöмьяслөн абутöмлунөн;

шыöдчысьяслы канму услуга сетанног йылысь сетан юöрлөн збыльлунөн;

канму услуга сетигөн кадколастьяс торкалöмьяслөн абутöмлун.

Шыöдчысь Министерствоса канму услуга сетясь чина йöзкöд йитчö Министерстволөн гражданаöс примитан график серти гражданаöс ас сёрниөн примитöм дырйи.

Шыöдчысь Министерствоса канму услуга сетясь чина йöзкöд йитчöм сэк, кор шыöдчысь веськыда шыöдчö канму услуга сетöм вылö колана документьяс сетöм могысь, а сiдзжö сэк, кор сийö босьтö документьясö.

2.26. Россия Федерацияса öтувья порталөн вöдитчигөн шыöдчысьöс могмöдöны:

заявка материалъяс сетёмён;
канму услуга сетём йылысь заявление сетём могысь Министерство
приём вылө гижсьёмён;
канму услуга сетанног йылысь тöдмөгъяс босьтёмён;
Министерстволөн да сылөн чина йöзлөн помшуёмъяс да (либö)
вöчöмторъяс (вöчтöмторъяс) вылө норасьём сетёмён;
канму услуга сетан пöрадок йылысь юöрлөн тырвийöлунөн,
коланлунөн да збыльлунөн, сы лыдын электроннöя;
канму услуга сетан пöрадок йылысь йöздан юöрлөн
петкöдланногъясөн;
канму услуга сетан кадколастьясö да канму услуга сетигөн
административнöй процедураяс вöчан кадколастьясö кутчысьёмён;
канму услуга сетигөн шыödчысылөн чина йöз дорö волан лыдөн да
наён видзан кадөн;
шыödчысьён канму услуга сетан бöртас босьтёмён;
канму услуга сетан ногтуйсö донъялёмөн.

**Канму услуга сетём дорö мукöд корём,
сы лыдын кутшöмъяс серти босьтöны тöд вылө
уна мога шöринъясын канму услуга сетан аслыспöлöслунъяссö
да электроннöя канму услуга сетан аслыспöлöслунъяссö**

2.27. Канму да муниципальнöй услугаяс сетан уна мога шöринын
канму услуга сетёмсö абу урчитöма.

2.28. Шыödчысь вермö босьтны канму услугасö электроннöя Россия
Федерацияса öтувъя порталөн вöдитчёмөн.

2.29. Россия Федерацияса öтувъя портал отсöгөн канму услугасö
сетöны канму услуга сетём вылө заявлениелысь интерактивнöй формасö,
кутшöмöс кырымалöма электроннöй кырымпаслөн лöсялана сикасөн,
канму услуга босьтём вылө колана документъяслысь электроннöй образъяс
содтёмөн, Россия Федерацияса öтувъя порталлөн ас вежöс пыр гижёмөн да
ыстёмөн.

2.30. Документъяслөн электроннöй образъяс дорö корёмъяс,
кутшöмъясöс сетöны Россия Федерацияса öтувъя портал пыр:

1) содтан электроннöй образъяслөн позяна расширениясөн лоöны:
содтан файлын кодирование файлъяс/ серпас гижöдъяс (*.jpg либö
*.jpg2000);

2) колö, медым электроннöй образъяссö вöли позьö кокныда
лыддыны (гöгöрвоны). Колö, медым документъяс серти, кутшöмъяслысь
оригинальяссö вöчöма бумага вылын, серпаслөн разрешениеыс вöли 450
dpi-ысь эз этшаджык (дюйм вылө чут) 1:1 масштабын;

3) содтан электроннöй образ пыдди позьö сетны сöмын öти файл.
Сэк, кор колö ыстыны öти документлысь некымын файл, найöс колö
öтлаöдны öти архивö, кутшöм содтысьö электроннöй образ пыдди. Колö,
медым электроннöй образлөн нимыс сетис позянлун öткодявны
документсö;

4) колö, медым электроннöй образъясын эз вöвны вирусъяс да лёктор вайысь уджтасъяс;

5) колö, медым содтан файллöн ыдждаыс эз вöв 300 Кб-ыс (килобайт) ыджыджык.

III. Административнöй процедураяслön тэчас, сьöрсöн-бöрсöн мунöм да найöс олöмö пöртан кадколастъяс

Канму услуга сетан вариантъяслön лыддьöг

3.1. Канму услуга сетöмö пыртöны татшöм вариантъяс:

1) Разрешение сетöм либö канму услуга сетöмын öткажитöм:

1 вариант – гражданин, асшöра уджалысь;

2 вариант – юридическöй кывкутысь;

2) канму услуга сетöм бöрын сетöм документъясын вöчöм торкалöмъяс да (либö) шыбöльяс бырöдöм (торкалöмъяслön да (либö) шыбöльяслön абутöм йылысь уведомление):

3 вариант – гражданин, асшöр уджалысь;

4 вариант – юридическöй кывкутысь.

3.2. Канму услуга сетöм йылысь шыödчысылысь заявление видлавтöг кольöмсö абу урчитöма.

Шыödчысьöс профилируетан административнöй процедурасö опишитöм

3.3. Канму услуга сетан вариантсö урчитöны канму услуга сетан бöртас подув вылын, кутшöмöс сетöмла шыödчис шыödчысь, сйöс анкетируйтöмөн. Шыödчысьöс анкетируйтöны Министерствоын да сэтчö пыртöны эрдöдöм могысь сэтшöм юалöмъяс, кутшöмъяс сетöны позянлун эрдöдöны шыödчысылön признакъясылысь лыддьöгсö, кутшöмъясöс вынсьöдöма Административнöй уджаланарт дорö 1 №-а содтöдлön таблицаын.

3.4. Анкетируйтан юалöмъяс вылö шыödчысылön вочавидзöм бöрын урчитöны Административнöй уджаланарт серти признакъяслön комбинациясылысь тырвыйö лыддьöг, кутшöмъяс пöвстысь быдöн лöсялö канму услуга сетан öти вариантлы.

3.5. Профилируйтöмлön бöртасъяс серти урчитöм канму услугалысь вариантсö шыödчысылы юöртöны гижöмөн, медым примитöм помшүöмсö эз вермы гөгöрвоны уна ногөн.

1 вариант опишитöм

3.6. 1 вариант серти канму услуга сетан медыджыд кадколастыс – Министерствоын заявка материалъяс пасьян лунсянь 10 уджалан лунысь оз дырджык.

Канму услуга сетан бöртасөн лоö:

1) Разрешение сетöм;

2) канму услуга сетöмын öткажитöм.

3.7. 1 вариантön урчитöм административнöй процедураяслön лыддьöг да найöс опишитöм:

- 1) заявка материалъяс примитöм да пасйöм;
- 2) канму услуга сетöм (сетöмын öткажитöм) йылысь помшуöм примитöм вылö заявка материалъяс видлалöм да документъяс дасътöм;
- 3) Министерствоön канму услуга сетöм йылысь (сетöмын öткажитöм) йылысь помшуöм примитöм да канму услуга сетан бöртассö шыödчысьлы сетöм.

Заявка материалъяс примитöм да пасйöм

3.8. Административнöй процедура заводитöм вылö подулön лоö Министерствоö шыödчысьянь – гражданинсянь либö асшöр уджалысьянь заявка материалъяс воöм.

Заявка материалъяссö позьö сетны бумага вылын веськыда Министерствоö либö пошта пыр ыстыны Министерствоö, либö Россия Федерацияса öтувья портал пыр.

Заявлениесö примитöм да пасйöм йылысь помшуöм примитан муртöсön лоö сйö, мый эм канму услуга сетöм йылысь воöм заявлениеыс.

3.8.1. Кывкutyсь чина морт заявка материалъяс воан лунсянь 1 уджалан лун чöжön:

1) сэк, кор заявка материалъясыс воöны Россия Федерацияса öтувья портал пыр, прöверитö, лöсялöны-ö найö Административнöй уджаланартлön 2.13 пунктса корöмъяслы.

Сэк, кор заявка материалъясыс оз лöсявны Административнöй уджаланартлön 2.13 пунктса корöмъяслы, öткажитö найöс примитöмын Административнöй уджаланартлön 2.14 пункт серти Россия Федерацияса öтувья порталын та йылысь шыödчысьлы автоматическöя юöртöмön öткажитан помкаяссö индöмön.

Сэк, кор заявка материалъясыс лöсялöны Административнöй уджаланартлön 2.13 пунктса корöмъяслы, пасйö заявка материалъяссö да ыстö найöс видлалöм вылö Коми Республикаса вöр-ва озырлун да гөгöртас видзан министрлы либö сйöс вежысь мортлы (водзö – Министр);

2) сэк, кор заявка материалъясыс воöны пошта пыр либö шыödчысь веськыда сетöма найöс Министерствоö, пасйö заявка материалъяссö да ыстö найöс Министрлы видлалöм вылö.

3.8.2. Административнöй процедура олöмö пöртан медыджыд кадколастыс – Министерствоö заявка материалъяс воан лунсянь 1 уджалан лун.

Административнöй процедуралön бöртас: заявка материалъяссö примитöма, пасйöма да ыстöма Министрлы видлалöм вылö.

Административнöй процедуралысь бöртассö пасьянног: воöм заявка материалъяссö пасйöма документъяслön электроннöя бергалан системаын.

Мукöд вöчöмторсö, кутшöмъяс колöны канму услуга сетöм вылö, сы лыдын кутшöмъяс йитчöмаöсь шыödчысьлысь вынсьöдöм квалифицируйтöм электроннöй кырымпаслысь збыльлунсö

прөверитөмкөд, мыйон вөдитчөма канму услуга босьтөмла шыөдчигон, абу урчитөма.

**Заявка материалъяссө видлалөм да канму услуга сетөм
(сетөмын өткажитөм) йылысь помшуөм примитөм вылө
документъяс дасьтөм**

3.8.3. Административнөй процедура заводитөм вылө подулөн лоө Министрөн пасйөм заявка материалъяс босьтөм.

Заявка материалъяссө видлалөм йылысь помшуөм примитан муртөсөн лоө сйө, мый эмось пасйөм заявка материалъяс.

3.8.4. Министр заявка материалъяс босьтан лунсянь 1 уджалан лун чөжөн видлалө найөс да сйө жө кадколастө ыстө Министерстволөн Зверпөтка да кыйсян-вөралан озырлун видзөмөн да наон вөдитчөмөн веськөдланінө (водзө – Вөралан овмөсөн веськөдланін) шыөдчысьлысь сетөм заявка материалъяс видлалөм вылө да Министерстоөн канму услуга сетөм (сетөмын өткажитөм) йылысь помшуөм примитөм могысь документъяс дасьтөм вылө.

Вөралан овмөсөн веськөдланінса начальник сы дорө заявка материалъяс воан лунсянь 1 уджалан лун чөжөн видлалө найөс, индө Вөралан овмөсөн веськөдланінса уджалысьяс пөвстысь кывкутысь специалистөс (водзө – кывкутысь специалист) да сйө жө кадколастө сетө сылы заявка материалъяссө Административнөй уджаланартөн урчитөм корөмъяслы наон лөсялөм серти видлалөм вылө.

3.8.5. Кывкутысь специалист сы дорө заявка материалъяс воан лунсянь 4 уджалан лун чөжөн:

1) прөверитө, эм-ө (абу-ө) канму услуга сетөмын өткажитөм вылө Административнөй уджаланартлөн 2.16 пунктса 1, 3 да 4 пунктувьясөн урчитөм подувьясыс;

2) сэк, кор Административнөй уджаланартлөн 2.16 пунктса 1, 3 да 4 пунктувьясөн урчитөм подувьяс пиысь эм көть өти, – дасьтө канму услуга сетөмын өткажитөм йылысь уведомление бала Административнөй уджаланарт дорө 3 №-а содтөдын форма серти өткажитан помкаяссө индөмөн да ыстө Министрлы помшуөм примитөм вылө;

3) сэк, кор Административнөй уджаланартлөн 2.16 пунктса 1, 3 да 4 пунктувьясөн урчитөм подувьясыс абуось, – ыстө шыөдчысь йылысь юөрсө финансово-экономическөй юкөнө, медым прөверитны шыөдчысьөн канму услуга сетөмысь пошлина мынтөм (мынтытөм) йылысь төдмөгъяссө;

4) сэк, кор шыөдчысь абу мынтөма канму услуга сетөмысь канму пошлинасө – дасьтө Административнөй уджаланарт дорө 3 №-а содтөдын индөм форма серти канму услуга сетөмын өткажитөм йылысь уведомление баласө өткажитан помкаяссө индөмөн да ыстө Министрлы;

5) сэк, кор канму пошлинасө мынтөма – дасьтө Административнөй уджаланарт дорө 4 №-а содтөдын индөм форма серти Разрешениельсь баласө да ыстө сйөс Министрлы помшуөм примитөм вылө.

3.8.6. Финансово-экономическӱй юкӱнса специалист сы дорӱ шыӱдчысь йылысь юӱр воан лунӱ прӱверитӱ канму услуга сетӱмысь шыӱдчысьӱн канму пошлина мынтӱмсӱ (мынтытӱмсӱ) индӱм юӱрсӱ прӱверитӱмӱн, мый быд лун воӱ Министерствӱ ФДБВС портал пыр (финансӱвӱй документъяслӱн бергалӱмӱн веськӱдлан система):

1) сӱк, кор Министерстволӱн тшӱт былӱ воӱма канму услуга сетӱмысь канму пошлинаыс, печатайтӱ мынтысян поручениесӱ, мый лоӱ канму услуга сетӱмысь канму пошлина мынтӱмсӱ эскӱдысь документӱн, да сӱйӱ жӱ кадколастӱ сетӱ сӱйӱс кывкутысь специалистлы;

2) сӱк, кор Министерстволӱн тшӱт былӱ абу воӱма канму услуга сетӱмысь канму пошлинаыс, вомгора юӱртӱ кывкутысь специалистлы, мый индӱм юӱрыс абу.

3.8.7. Административнӱй процедуралӱн медыджыд кадколастыс: Министрӱн пасйӱм заявка материалъяс босытан лунсянь 6 уджалан лун.

Административнӱй процедуралӱн бӱртас: шыӱдчысьӱн сетӱм документъяссӱ видлалӱма, канму услуга сетӱмын ӱткажитӱм йылысь уведомлениелысь баласӱ либӱ Разрешениелысь баласӱ ыстӱма Министрлы канму услуга сетӱм (сетӱмын ӱткажитӱм) йылысь помшӱӱм примитӱм былӱ.

Административнӱй процедуралысь бӱртассӱ пасъянног: дасытӱма канму услуга сетӱмын ӱткажитӱм йылысь уведомление баласӱ либӱ Разрешение баласӱ.

Мукӱд вӱчӱмторсӱ, кутшӱмъяс колӱны канму услуга сетӱм былӱ, сы лыдын кутшӱмъяс йитчӱмаӱсь шыӱдчысьлысь вынсьӱдӱм квалифицируйтӱм электроннӱй кырымпаслысь збыльлунсӱ прӱверитӱмкӱд, мыйӱн вӱдитчӱма канму услуга босытӱмла шыӱдчитӱн, абу урчитӱма.

**Министерствӱн канму услуга сетӱм (сетӱмын ӱткажитӱм) йылысь
помшӱӱм примитӱм да шыӱдчысьлы канму услуга
сетан бӱртассӱ сетӱм**

3.9. Административнӱй процедура заводитӱм былӱ подулӱн лоӱ Министрӱн канму услуга сетӱмын ӱткажитӱм йылысь уведомление бала либӱ Разрешение бала босытӱм.

Канму услуга сетӱм (сетӱмын ӱткажитӱм) йылысь помшӱӱм примитан муртӱсӱн лоӱ сӱйӱ, мый эм канму услуга сетӱмын ӱткажитӱм йылысь дасытӱм уведомление бала либӱ дасытӱм Разрешение бала.

3.10. Министр канму услуга сетӱмын ӱткажитӱм йылысь уведомление бала либӱ Разрешение бала босытан лунсянь 2 уджалан лун чӱжӱн:

1) сӱк, кор эмӱсь канму услуга сетӱмын ӱткажитан подувъяс, кырымалӱ канму услуга сетӱмын ӱткажитӱм йылысь уведомлениесӱ да сӱйӱ жӱ кадколастӱ ыстӱ кывкутысь чина мортлы шыӱдчысьлы ыстӱм (веськыда сетӱм) былӱ;

2) сэк, кор канму услуга сетöмын öтказитан подувьясыс абуöсь, кырымалö Разрешениесö да сийö жö кадколастö ыстö кывкутысь специалистлы Звер-пöтка объектясөн вöдитчöм вылö разрешениес пасьян небöгö сетöм Разрешение йылысь юөр пыртöм вылö (формасö вайöдöма Административнöй уджаланарт дорö 6 №-а содтöдын) да шыödчысьлы водзö ыстöм (веськыда сетöм) вылö.

3.11. Кывкутысь чина морт сы дорö канму услуга сетöмын öтказитöм йылысь Министрөн кырымалöм уведомление воан лунö пасйö сийöс документяслөн электроннöя бергалан системаын да ыстö пошта связь организация пыр либö сетö веськыда шыödчысьлы.

Кывкутысь специалист ыстö канму услуга сетöмын öтказитöм йылысь уведомлениесö Россия Федерацияса öтувья портал пыр Административнöй уджаланартлөн 3.12 пунктса медводдза да коймöд абзацясөн урчитöм пöрадокын да кадколастясö.

Шыödчысь öтказитан подулөн лоöм помкаяссö бырöдöм бöрын тайö Административнöй уджаланартөн урчитöм пöрадокын вермö выль пöv шыödчыны Министерствоö канму услуга сетöмла.

3.12. Кывкутысь специалист:

1) кырымалöм Разрешениесö сыөн босьтан лунсянь 1 уджалан лун чöжөн гижö Звер-пöтка объектясөн вöдитчöм вылö сетöм разрешениес пасьян небöгö да сийö жö кадколастö ыстö Разрешениесö шыödчысьлы заявлениеын шыödчысьясөн индöм ногъясөн;

2) канму услуга сетöмын öтказитöм йылысь кывкутысь чина мортөн пасйöм уведомлениесö сыөн босьтан лунсянь 1 уджалан лун чöжөн ыстö сийöс Россия Федерацияса öтувья портал пыр.

3.13. Административнöй процедуралөн медыджыд кадколастыс: канму услуга сетöмын öтказитöм йылысь уведомление бала либö Разрешение бала Министрөн босьтан лунсянь 3 уджалан лун.

Административнöй процедуралөн бöртасөн лоö канму услуга сетöмын öтказитöм йылысь уведомление, кутшöмöс кырымалöма да ыстöма шыödчысьлы либö сетöма сылы веськыда, либö кырымалöм Разрешение, кутшöм сетöма кывкутысь специалистлы Звер-пöтка объектясөн вöдитчöм вылö сетан разрешениес пасьян небöгö сетöм Разрешение йылысь юөр пыртöм вылö.

Административнöй процедуралыс бöртассö пасьянног: канму услуга сетöмын öтказитöм йылысь уведомлениесö либö Разрешениесö пасйöма документяслөн электроннöя бергалан системаын.

Мукöд вöчöмторсö, кутшöмъяс колöны канму услуга сетöм вылö, сы лыдын кутшöмъяс йитчöмаöсь шыödчысьлысь вынсьöдöм квалифицируйтöм электроннöй кырымпаслысь збыльлунсö прöверитöмкöд, мыйөн вöдитчöма канму услуга босьтöмла шыödчигөн, абу урчитöма.

Шыёдчыссянь содтөд төдмөгъяс босътөм

3.14. Канму услуга сетөм вылө содтөд төдмөгъяс босътөмсө Россия Федерацияса оланпастэчасөн да Коми Республикаса оланпастэчасөн абу урчитөма.

Канму услугала шыёдчытөдз (шыёдчытөг) сетөм

3.15. Канму услугасө шыёдчытөдз (шыёдчытөг) сетөмсө абу урчитөма.

Россия Федерацияса өтувъя порталөн вөдитчөмөн канму услуга сетөм йылысь заявление сетан аслыспөлөслунъяс

3.16. Шыёдчысь лөсьөдө заявленииесө Россия Федерацияса өтувъя порталын заявлениелысь электроннөй формасө гижөмөн кутшөм-либө мод формаын заявленииесө содтөд сетны коланлунтөг.

3.17. Лөсьөдөм заявленииесө (шыёдчөмлысь электроннөй формасө) форматно-логическөя прөверитөны автоматическөя шыёдчысьөн шыёдчөмлөн электроннөй формалысь быд полө гижөм бөрын. Сэк, кор эрдөдөма шыёдчөмлөн электроннөй формаын абу стөча гижөм полесө, шыёдчысьлы юөртөны эрдөдөм шыбөль да сійөс бырөдан пөрадок йылысь шыёдчөмлөн электроннөй формаын веськыда юөртан сообщенииөн.

3.18. Заявление лөсьөдигөн шыёдчысьлы (петкөдлысьлы):

1) сетөны позянлун печатайтны заявленииелөн электроннөй формалысь копиясө бумага вылө;

2) сетөны позянлун заявленииелөн электроннөй формаө водзджык пыртөм значенияссь шыёдчысьлөн (петкөдлысьлөн) көсйөм серти көть кутшөм здукө кольны, сы лыдын сэк, кор заявленииелөн электроннөй формаө значенияссь гижигөн артмөмаось шыбөльяс да бергөдчөма выль пөв гижны найөс;

3) сетө позянлун водзджык пыртөм юөрсө воштытөг бөр бергөдчыны заявлениелысь электроннөй форма гижан көть кутшөм этапө.

3.19. Лөсьөдөм заявленииесө ыстөны Министерствоө Россия Федерацияса өтувъя портал отсөгөн.

3.20. Россия Федерацияса өтувъя порталөн вөдитчөмөн электроннөй документөн заявление сетан кадпасөн лыддыссьө Министерствоын Административнөй уджаланартлөн 3.8.1 пунктөн урчитөм пөрадокын да кадколастьясө заявление пасьян лун.

3.21. Мукөд вөчөмторсө, кутшөмъяс колөны канму услуга сетөм вылө, сы лыдын кутшөмъяс йитчөмаось шыёдчысьлысь вынсөдөм квалифицируйтөм электроннөй кырымпаслысь збыльлунсө прөверитөмкөд, мыйөн вөдитчөма канму услуга босътөмла шыёдчигөн, абу урчитөма.

2 вариант опишитөм

3.22. 1 вариант серти канму услуга сетан медыджыд кадколастыс – Министерствоын заявка материалъяс пасъян лунсянь 10 уджалан лунысь оз дырджык.

Канму услуга сетан бөртасөн лоо:

- 1) Разрешение сетём;
- 2) канму услуга сетёмын өткажитём.

3.23. 2 вариантён урчитём административной процедураяслөн лыддьөг да найös опишитём:

- 1) заявка материалъяс примитём да пасйём;
- 2) канму услуга сетём (сетёмын өткажитём) йылысь помшүём примитём выlö заявка материалъяс видлалём да документъяс дасётём;
- 3) Министерствоён канму услуга сетём (сетёмын өткажитём) йылысь помшүём примитём да канму услуга сетан бөртассö шыödчысьлы сетём.